

## ԺԸ. ԵՐԿՊԱՌԱԿՈՒԹԵԱՆ ԽՆՁՈՐԸ

Լեռների մերկ գագաթները պատեց երեկոյեան ստոերը, իսկ ձորերի մեջ լոյսը հետզհետե աղօտ գոյն էր ստանում, միայն ոսկեգոյն ամպերը, որոնք ահագին բեկորներով գլորում էին օդի բարձրութեան մեջ, դեռ արտափայլում էին հանգչող արեգակի վերջին ճառագայթների ծիրանի շառափղներով:

Գեղեցիկ երեկոյ էր, լեռնային երեկոների այն ժամը, երբ քաղցր հնչում են հովիտների երգերը, երբ ախորժ է լսել արօտից դարձող ոչխարների խառնաձայն բառաչումները եւ ձիերի երամակների ուրախ խրխիւնքը, որոնք կայտռելով վազում են դէպի իրանց գիշերային օթեւանը: Նոյն ժամուն թեթեւ քամին նազելով քսքսում է քո երեսին եւ բարակ մելոդական հնչումներով մրմնջում է՝ «շնչի՛ր լի կուրծքով անուշահոտութիւնը, որ ես խլել եմ հազարաւոր ծաղիկներից»:

Բայց ինձ զգալի չէին այս ձայները, ես չէի լսում ոչ զեփիւռի մեղեդին եւ ոչ հովոյի երգը, ինձ գրաւել էր միայն Մարօն, միշտ նրան էի տեսնում եւ նրա ձայնը լսում, թէեւ նա ամենեւին չէր խօսում:

Մեր վերադարձը դէպի Կ. գիւղը տեսեց բաւականին երկար, որովհետեւ այժմ բոլորովին այլ ճանապարհով էինք գնում: Մուրճ վաղուց պատել էր, եւ ամառային գիշերի աստղերը վառում էին հիանալի փայլողութեամբ:

Խօսակցութեան առարկան նոյն աւուր որսորդութիւնն էր. ծերունի Աւօն հանաքներով ծաղրում էր Աւլանի եւ Սագօյի անճշտութիւնը, որոնց երկուսի նետումները դաբանը սպանելու համար անցել էին իգուր: Սագօն աշխատում էր իւրեան արդարացնել զանազան պատճառներով. իսկ Աւլանը ոչինչ չէր պատասխանում, նա ընկած էր, որպէս երեւում էր, խիստ տխուր մտատանջութեան մեջ: Սովորականից ուրախ էր Կարօն. նա խորին եղբայրական բարեսրտութեամբ ձեռքը դրեց իմ ուսին, ասելով.

– Դու առանց սրտի չես, Ֆարիատ, քեզանից մի բան կը դուրս գայ...

Մարօն գնում էր մեզանից առաջ իւր հօր հետ: Նա բոլորովին լուռ էր. կարծես, նրա հպարտութեանը ընդդէմ էր լսել այն գովեստները, որոնք թափում էին նրա վրայ. եւ կամ նա չէր ուզում յիշեցնել, թէ որպիսի դժոար դրութիւնից ազատեց ինձ. նա աշխատում էր, որ այդ դէպքի վրայ խօսացոյի որբան կարելի է սակաւ:

Ես բաւականին ետ մնացի իմ ուղեկիցներից, խօսում էի Կարօյի հետ: Սագօն մօտեցաւ մեզ, եւ առանց որեւիցէ առիթի մեր կողմից, որպէս ինքն իրան խօսելով ասաց.